

BOSNA I HERCEGOVINA



БОСНА И ХЕРЦЕГОВИНА

Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0023136 24
Sarajevo, 07.11.2024. godine

SUD BOSNE I HERCEGOVINE
S A R A J E V O
Sudija za prethodno saslušanje

Na temelju člana 35. stav 2. tačka i) i člana 226. stav 1. i člana 227. Zakona o kaznenom postupku Bosne i Hercegovine, podižem

O P T U Ź N I C U

Protiv :

Miodrag Malić, [REDACTED] rođen [REDACTED] 1962. godine u [REDACTED]
[REDACTED] Banja Luka, [REDACTED]

Što je:

Dana 02.11.2022. godine u Banja Luci u Republici Srpskoj, Bosna i Hercegovina, ispred zgrade Radio televizije Republike Srpske, na protestu organiziranom od strane opozicionih političkih stranaka, na kojem se okupilo oko četiristo građana, kojeg dana je sa tog skupa objavljen snimak [REDACTED], kada je tokom govora narodnog poslanika [REDACTED] iz stranke Srpske demokratske stranke (SDS-a), osumnjičeni Miodrag Malić izašao na binu sa podignutim fotografijama u desnoj ruci, na kojima se nalazio lik bivšeg komadanta vojske Republike Srpske Ratka Mladića i lik bivšeg predsjednika Republike Srpske Radovana Karadžića, te sa podignuta tri prsta na lijevoj ruci, svjestan da preduzimanjem navedenih radnji, veliča lice Ratka Mladića, koji je osuđen pravomoćnom presudom Međunarodnog suda za kazneno gonjenje lica odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine broj: [REDACTED] od 8. juna 2021. godine, za kazneno djelo genocid, zločine protiv čovječnosti i kršenje zakona ili običaja ratovanja, kao i lice Radovana Karadžića koji je osuđen pravomoćnom presudom Međunarodnog suda za kazneno gonjenje lica odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine broj: [REDACTED] od 20. marta 2019. godine za kazneno djelo genocid, zločine protiv čovječnosti i kršenje zakona ili običaja ratovanja, počinjenim nad civilima bošnjačke nacionalnosti, te pristajući na takvu posljedicu, izazvao je uznemirenost i kod [REDACTED], obzirom na njegova saznanja o stradanju civila bošnjačke nacionalnost u prethodnom ratu u Bosni i Hercegovini u kojoj i sada živi i učešću Mladića i Karadžića u istim.

Dakle, veličao lica koja su pravomoćno osuđena presudama za genocid, zločin protiv čovječnosti ili ratni zločin Međunarodnog suda za kazneno gonjenje lica odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine.

Čime je, osumnjičeni Miodrag Malić, počinio kazneno djelo Izazivanje nacionalne, rasne i vjerske mržnje, razdora i netrpeljivosti iz člana 145a. stav 6. Kaznenog zakona Bosne i Hercegovine u vezi sa članom 53. istog zakona.

TUŽITELJSTVO-TUŽILAŠTVO BiH
Tužitelj